



## Komunikado

24 di yùni 2019

### **Cft: “Bon komienso di Kolegio Ehekutivo, atendiendo mehorashonnan nesesario”**

**Kralendijk – Durante di su bishita di dos dia na Bonaire, Cft a hasi un yamada na Kolegio Ehekutivo i Konseho Insular pa realisá den e periodo di gobernashon aki e mehorashonnan nesesario riba vários tereno di maneho. E komienso ta bon: ku e Akuerdo di Gobernashon, Hulanda ta pone sosten adishonal disponibel i banda di esaki Bonaire por usa e surplus di 2018 tambe. Cft a duna e Kolegio Ehekutivo kòmpliment ku e hecho ku a atendé ku determinashon ku entrega di e dokumentonan anual di 2018.**

Kolegio di supervishon finansiero Bonaire, Sint Eustatius i Saba (Cft) a duna e Kolegio Ehekutivo kòmpliment ku e mehorashonnan ku a logra den e siklo di presupuesto i di responsabilisashon. Por ehèmpel a entregá e promé reportahe di kuartal di 2019 ku e amienda presupuestario korespondiente na tempu. Tambe a traha e kuenta anual di 2018, kual a keda kontrolá pa akountent i entregá na Konseho Insular. Konsekuentemente ta spera ku e kuenta anual 2018 aprobá pa Konseho Insular lo keda entregá na tempu - esta promé ku 15 di yùli - na Cft. Ta trata aki di un mehorashon evidente, despues ku durante di dos aña konsekutivo a entregá e kuenta anual ku bastante retraso. Cft a pidi sí atenshon atrobe pa presupuestá e entradanan di impuesto i e gastunan di personal na un manera realístiko.

Ehekushon di e Akuerdo di Gobernashon, kual a keda firmá na novèmber 2018 entre Hulanda i Bonaire, ta den su promé fase. E kapasidat di ehekushon ta keda fortifiká, entre otro pa medio di asistencia tékniko riba tereno di maneho finansiero i tambe pa e plan di mehorashon pa e aparato públiko. Kolegio Ehekutivo a presentá konsepto di e plan di mehorashon di maneho finansiero 2.0, kual lo mester a keda finalisá pa ougùstùs. Cft a ekspresá su apresio pa esaki i a duna rekomendashon. E periodo benidero Bonaire lo sigui mehorá e plan di mehorashon, pa finalmente esaki hiba na un deklarashon aprobatorio di akountent pa e kuenta anual 2021.

Durante di su bishita di dos dia, Cft a papia ku Gezaghèber, Kolegio Ehekutivo, Konseho Insular, Representante interino di Reino i e mèneder di programa di e Akuerdo di Gobernashon. Tambe a hiba kòmbersashon ku Bonaire International Airport N.V., Bonaire Holding Maatschappij N.V. i Tourism Corporation Bonaire N.V.. Den e kòmbersashonnan aki entre otro a pidi atenshon pa mehorashon di e corporate governance, entre otro pa entregá e kuentanan anual na tempu i pa yena tur puesto den e direktivanan i e huntanan di komisario.

Riba djaweps 20 di yùni presidente di Cft, señor Raymond Gradus, a tene un charla públiko titulá “Maneho finansiero, supervishon i kompanianan di kua gobièrnu ta akshonista”. Den e charla aki a duna informashon tokante e importansia di supervishon i corporate governance pa un maneho finansiero efektivo. Por mira e presentashon riba e website di Cft: [www.cft.cw](http://www.cft.cw).

[Fin di komunikado]

**Foto:**  
Cft

**Teksto pa foto:**

Cft ta satisfecho ku a atendé ku determinashon ku e entrega di e dokumentonan anual di 2018.



**Nota pa redakshon– no pa publikashon**

Persona di kontakto na Cft:

Sekretariado Kolegio di supervishon finansiero  
Koert van Buiren – Sekretario interino  
Telefon (+5999) 461-9081  
Email info@cft.cw  
Internet www.cft.cw

Persona di kontakto pa Prensa:

Jefka Martina  
Telefon (+5999) 512-6861